

ԳԵՐԱԾՆՈՐՀ Տ. ԴԱՎԻԹ ԵՊԻՍԿՈՊՈՍ ՍԱՀԱԿՅԱՆ

Ավագանի անունով Գրիգոր: Ծնվել է 1935 թվականին Երուսաղեմում, սեքստացի հավատավոր ընտանիքի հարկի տակ:

Նախնական կրթությունը ստացել է տեղի հայոց ս. Թարգմանչաց վարժարանում: 1943—1951 թվականներին սովորել է Երուսաղեմի Terra Santa վարժարանում և այնտեղ էլ ստացել իր միջնակարգ կրթությունը:



1951 թվականին ընդունվել է Երուսաղեմի հայոց սրբոց Հակոբյանց վանքի Ժառանգավորաց վարժարան, որի դասարանական բաժինն ավարտել է 1954-ին:

Նույն թվականին սարկավագ է ձեռնադրվել տ. Եղիշե արքեպ. Տերտերյանի կողմից: Իր ուսումը շարունակել է ընծայարանում 1954—1957 թվականներին և կուսակրոն քահանա է ձեռնադրվել 1957 թվականին՝ ձեռամբ տ. Տիրան արքեպ.

Ներսիսյանի՝ վերանվանվելով տ. Դավիթ արքեպ:

1957—1960 թվականներին նշանակվել է տեսուչ Կյուլպենկյան մատենադարանի և վանքի տպարանի, միաժամանակ ուսուցչական պաշտոն վարելով Ժառանգավորաց և Թարգմանչաց վարժարաններում:

Եղել է անդամ Տճօրեն ժողովի: 1960 թվականին նշանակվել է հոգևոր հովիվ Ամմանի և շրջակայքի հայոց և տեսուչ տեղի Հեթումյան վարժարանի:

1960 թվականին վարդապետական աստիճան է ստացել տ. Եղիշե պատրիարքից: 1961—1962 թվականներին եղել է հոգևոր հովիվ Բաղդադի հայոց և մեկ տարի էլ վարել՝ Կալկաթայի հայոց այցելու հովվի պաշտոն:

1963—1973 թվականներին պաշտոնավարել է Լիոն քաղաքում՝ որպես քաղաքի և շրջակայքի հովիվ: 1965 թվականին Մայր Աթոռում ստացել է ծայրագույն վարդապետական աստիճան ձեռամբ Վեհափառ Հայրապետի:

1973—1976 թվականներին պաշտոնավարել է որպես հոգևոր հովիվ Ծվնցարիայի հայոց:

1976-ի հուլիսից նշանակվել է Լիոնի և շրջակայքի հայոց հոգևոր հովիվ և հայրապետական պատվիրակի փոխանորդ:

1976 թվականի հոկտեմբերի 17-ին եպիսկոպոս է ձեռնադրվել Մայր Աթոռում Հայոց Հայրապետի շնորհաբաշխությամբ:

«Էջմիածին» ամսագրի խմբագրությունը ջերմորեն շնորհավորում է հայ եկեղեցու նորապսակ իշխանավորներին՝ տ. Կյուրեղ և տ. Դավիթ եպիսկոպոսներին՝ մաղթելով, որ նրանք հետապնդեն ևս անմնացորդ միությունով ծառայեն Հայոց Հայրապետի օրհնության ներքո՝ ի պայծառություն Մայր Աթոռ ս. Էջմիածնի, ս. Հակոբյանց առաքելական Աթոռի, Հայաստանյայց եկեղեցու և ի մխիթարություն հայ հավատացյալ ժողովրդի՝ արդարացնելով իրենց վրա դրված Ամենայն Հայոց Հայրապետի և ամենապատիվ տ. Եղիշե արքազան պատրիարքի հույսերը: